

«Ռանչպար» պարսկերեն բառը հայերեն բացատրվել է «երկրագործ», «աշխատավոր», «հողագործ», «մշակ»¹, իսկ ռուսերեն՝ «трудящийся», «несущий бремя», «работник»² բառերով: Հասկանալի է, որ սույն բացատրությամբ չի ենթադրվում պատմական վավերագրերում հանդիպող այդ բառերի միանշանակ ընթերցում: Հենց միայն «երկրագործ—трудящийся—մշակ» զուգադրությունն այստեղ, մեր կարծիքով, ներկայացնում է ոչ այնքան «ռանչպար» բառի «տառացի նշանակությունը»³ կամ «տառացի թարգմանությունը»⁴, որքան նրա լայնիմաստ և նեղիմաստ գործադրումների հնարավորությունը: Ուրիշ խոսքով՝ այս բացատրությունը նշված բառ-անվանումներով հիշատակվող աշխատավորների սոցիալական դեմքի որոշումը թողնում է կոնկրետ փաստերին և հետադոտողին: Պատմագիտական գրականության մեջ սույն միջնադարի և XIX դ. առաջին կեսի վերաբերմամբ կա «ռանչպար» տերմինի նեղ սոցիալական բովանդակությունը հայտանշող մի մեկնաբանություն, որը մնալով այլազան փաստերի ընթերցման միակ ելակետ՝ հանգեցրել է տարբեր երևույթներ համահարթող ընդհանրացումների:

Հստ Ի. Պետրուշևսկու, XVIII դ. երկրորդ կեսի—XIX դ. սկզբի անդրկովկասյան խանություններում «ռանչպար» տերմինը հայտնի էր երկու նշանակությամբ. այդպես էին կոչվում ա) բնավարձակալները, որոնց Երևանի և Նախիջևանի խանություններում կարելի էր հանդիպել յարիքյար (կիսրար) անունով, բ) իրենց տերերից անձնական (ոչ թե հողակալությամբ պայմանավորված) կախման մեջ գտնվող և բացառապես նրանց տնտեսություններում աշխատող առանձին կատեգորիայի գյուղացիները⁵: Այս տարբերակումն ընդգծում է երկրորդ խմբի մարդկանց կատարյալ ընչազրկությունը: Նրանք, շուրենհալով ինքնուրույն տնտեսավարման հնարավորություններ, խաներից, բեգերից և այլ հողատերերից «ստանալով բանող անասուններ և տնտեսական ինվենտար»⁶, լծվում էին ծանր աշխատանքի և վարձատրվում նվազագույն կենսամիջոցներով՝ սովորաբար բերքի 1/3-ով⁷: XIX դ. սկզբին Երևանի խանու-

¹ Ստ. Մալխասյանց, Հայերեն բացատրական բառարան, հ. IV, Երևան, 1945, էջ 157:

² С. Зелпнский, Объяснительный словарь татарских, грузинских и армянских слов, Тифлис, 1889, с. 56; И. Петрушевский, Очерки по истории феодальных отношений в Азербайджане и Армении в XVI—начале XIX вв., Л., 1949, с. 248.

³ И. Петрушевский, նշվ. աշխ., էջ 248:

⁴ Ս. Մարկոսյան, Ազրաբային հարաբերություններն Արարատյան երկրում XVII—XVIII դդ. և XIX դ. առաջին քառորդում, Երևան, 1959, էջ 245:

⁵ И. Петрушевский, նշվ. աշխ., էջ 248, 309—310, 316:

⁶ В. Иваненко, Гражданское управление Закавказьем, Тифлис, 1901, с. 134—135.

⁷ Հայ ժողովրդի պատմություն, հ. V, Երևան, 1974, էջ 19:

թյունում տարաբնակ ռանչպարներից բացի, կային զուտ ռանչպարական վեց գյուղեր (խանական, մզկիթապատկան և մասնատիրական)⁸, իսկ առհասարակ Արևելյան Հայաստանում «ռանչպարական աշխատանքի օգտագործումը մեծ ծավալ էր ստացել»⁹:

Առհասկանալի է, թե ինչու ի. Պետրուշևսկին մի դեպքում ռանչպարների աշխատանքն օգտագործող տնտեսությունների «գոյությունը» մատնանշել է լուկ Ղուրայի խանությունում, մեկ այլ դեպքում՝ նաև Ղարաբաղում, մինչդեռ ռանչպարությունը, իրավամբ, փաստարկել է Արևելյան Անդրկովկասի այլ շրջաններից ևս¹⁰, «Ռանչպար» տերմինի նրա բացատրությունը մշուշվել է հետևյալ տողերում. «ռանչպարները Երևանի խանությունում սկզբնապես միայն գյուղացի-կիսրարներ էին, XVIII դ. վերջին գտնվում էին անձնական ճորտական կախման մեջ»¹¹: Դժվար է կռահել այդ կիսրարները սակավագործ ինքնուրույն տնտեսատերեր էին, թե՞ ամբողջովին ուրիշների մոտ աշխատող տնտեսագործներ, կամ արդյո՞ք այստեղ խոսքը կիսրարությունից ռանչպարության անցնելու մասին է: Համեմայնդեպս տարակուսելի է դառնում տրնտեսաաղուրկ-ռանչպարների գոյությունը մինչև XVIII դ. վերջը, մանավանդ որ ի. Պետրուշևսկին այդ անվան տակ նկատի է ունեցել «տերերից անձնական կախման մեջ գտնվող» մարդկանց:

Կարիք չկա ապացուցելու, որ գյուղացիների որոշ մասի ընչազրկումն ու անցումը ռանչպարության տեղի է ունեցել և՛ մինչև XVIII դ. վերջը¹², և՛ հետո, այն էլ՝ ոչ անպայման կիսրարության միջնօղակով: Երբ ի. Պետրուշևսկին արձանագրել է այս իրողությունը, ռանչպարների անձնական կախումն էլ, հակառակ իր նախորդ դրույթի, ներկայացրել է ավելի քան երեքհարյուր տարվա պատմությամբ. «անձնապես կախյալ մարդկանց այդպիսի խմբերի գոյությունը քիչ թե շատ ընդհանուր երևույթ էր... նաև շահական տիրակալության շրջանի (XVI դ.—XVIII դ. առաջին կեսի) անդրկովկասյան բոլոր խանությունների համար»¹³:

Յարիքյարների՝ իբրև որոշակի կարգի գյուղացիների, «ռանչպար» անվանումը փաստապես հավաստված չէ, այլ արձագանքն է նախասովետական կովկասագիտության մեջ տարածված մի կարծիքի: Ըստ այնմ՝ տարբեր տեղերից Երևանի խանությունն եկած գաղթականները, փախստականները, թափառըրջիկները, բնակեցվելով ազատ հողերում, կազմում էին յարիքյարական գյուղեր, եթե վերաբնակվելիս սեփական տնտեսություններ էին ստեղծում (սարդարի հատուցվող օժանդակությամբ) և՛ ռանչպարական գյուղեր:

⁸ Նույն տեղում:

⁹ Հ. Փափազյանի ծանոթագրություններից՝ Լեոյի «Հայոց պատմության» II հատորի 1 գրքին (Երևան, 1969, էջ 482—483):

¹⁰ И. Петрушевский, *Узл. азг.*, էջ 248, 316—320:

¹¹ Նույն տեղում, էջ 319:

¹² А. Папаян, *Аграрные отношения в Восточной Армении в XVI—XVII вв.*, Ереван, 1972, с. 206—207, «Հայ ժողովրդի պատմություն», հ. IV, Երևան, 1972, էջ 265:

¹³ И. Петрушевский, *Узл. азг.*, էջ 320: Ռանչպարների սոցիալ-իրավական դրությունը բնեկու ենք առանձին:

եթե սեփական տնտեսություններ չունենին¹⁴։ Ի. Շոպենից¹⁵ ժառանգված այս բացատրությունը ստվերել է երևույթների սոցիալ-տնտեսական հիմքերը։ Առաջին հերթին ընդգծվել է, որ յարիքյարներն ու ունչպարները, հիմնական զանգվածներով, միևնույն «այլերկրացի» վերաբնակիչներն էին (չնայած երբեմն հարևանցիորեն ակնարկվել է տեղաբնիկ ռայաթներից ոմանց անցումը ունչպարության)¹⁶։ Այդ ելակետից առաջ գնալով, Ս. Զելինսկին վերոհիշյալ գյուղերը ներկայացրել է «ունչպարական-յարիքյարական» և «ունչպարական» խմբերով, իսկ «յարիքյար» բառը բացատրել է այսպես. «կիսարար—այդպես էին կոչվում... ունչպարները (այլ պրովինցիաներից գաղթած եկվորները)»¹⁷։ Այս նույնացման հիմքը «դրսեկ-այլերկրացի» ընդհանուր հասկացությունն էր։

Սովետական հետազոտողներից Ս. Մարկոսյանը հերքել է այդ բացատրությունը՝ վկայաբերելով Երևանի խանության հնաբնակ յարիքյարներին ու ունչպարներին վերաբերող փաստեր։ Նա իրավացիորեն ընդգծել է յարիքյարության և ունչպարության՝ իբրև ագրարային կյանքի ծնունդ հանդիսացող ինքնակա երևույթների, լինելիությունը խանություններում՝ անկախ գաղթականների վերաբնակեցումներից¹⁸։ Այս հիմքով տերմինների մեկնաբանության ելակետ է մնում յարիքյար և ունչպար գյուղացիների տնտեսական կացությունը և շահագործման աստիճանների տարբերակումը։

Սովետահայ պատմագիտական գրականության մեջ «ունչպար» անվանումը վերապահվել է այլոց տնտեսություններում աշխատող ընչազուրկներին¹⁹ և չի վիճարկվել ամբողջովին ունչպարական (արքունի և մուքադարական) ու յարիքյարական (արքունի, արքունի-մուքադարական, մուքադարական) գյուղերի գոյությունը Արևելյան Հայաստանում։

Բայց արդյո՞ք XVIII դ. երկրորդ կեսին—XIX դ. սկզբին «ունչպար» տերմինը հայտնի էր միայն սոցիալական մի նեղ բովանդակությամբ։ Նշած մեկնաբանություններից պետք է եզրակացնել, որ այն իր լայն, այսպես կոչված «տառացի» նշանակությամբ²⁰ (առհասարակ «աշխատավոր—трудящийся» և ոչ անպայման՝ տնտեսագրորդ) կամ «տեխնիկական» իմաստով («երկրագործ») ²¹ իրական-գործառական չէր։

14 В. Иваненко, *նշվ. աշխ.*, էջ 228. հմմտ. И. Бахтадзе, Податное обложение государственных крестьян Закавказского края («Свод материалов по изучению экономического быта государственных крестьян Закавказского края», т. I, ч. III, Тифлис, 1887, с. 22); С. Зелинский, *նշվ. աշխ.*, էջ 56.

15 И. Шопен, Исторический памятник состояния Армянской области в эпоху присоединения ее к Российской империи, СПб., 1852, с. 988—989.

16 С. Зелинский, *նշվ. աշխ.*, էջ 56.

17 Նույն տեղում, էջ 84.

18 Ս. Մարկոսյան, *նշվ. աշխ.*, էջ 235—239, 253—262.

19 «Հայ ժողովրդի պատմություն», հ. V, էջ 19. Ավելի ճիշտ է «ունչպարները մեծ մասամբ հողից և արտադրության միջոցներից զրկված հողագործներ էին...» քննողումը («Հայ ժողովրդի պատմություն», հ. IV, էջ 265. ընդգծումը մերն է—Ս. Ա.), որչափ բացառված չէ նաև սակավ միջոցների տեր որոշ ծխերի ունչպարությունը, Հմմտ.՝ И. Гасанов, Из истории феодальных отношений в Азербайджане. Ранджбары в XIX веке («Труды Института истории и философии АН Азербайджанской ССР», т. IX, Баку, 1956, с. 61, 65—66).

20 И. Петрушевский, *նշվ. աշխ.*, էջ 248.

21 Ս. Մարկոսյան, *նշվ. աշխ.*, էջ 233.

Մենք այլ կարծիքի ենք, և մեր հարցադրումը մասամբ թեկադրվում է յ. Պետրուշևսկու այն եզրակացության՝ թե ունչպարների շարքերը համալրվում էին ոչ միայն «այլերկրացիներով» և ժառանգական ունչպարներով, այլև խանի հասարակ հրամանով ամեն մի ուայթ կարող էր դառնալ ունչպար և նվիրվել այս կամ այն ծառայող մարդուն²²։ Այս առթիվ վկայակոչված 1800—1820-ական թվականների վավերագրերը տարբեր բովանդակությամբ ունեն. ա) բեգը կառող էր իրեն պատկանող յուրաքանչյուր գյուղից պահանջել առնվազն մեկական ընտանիք ունչպար, բ) խանի հրամանով գեղջավազները գյուղացիներից ունչպարներ էին կարգագրում ու տալիս բարձրաստիճան մարդկանց, գ) խաներն «իրենց պատկանող ունչպարներից» ռմանց առանձնաշնորհում էին մերձավորներին և ծառայանուն²³։ Միաժամանակ ի. Պետրուշևսկին հաստատել է մի իրողություն՝ «ի տարբերություն ուայթների, ունչպարները գյուղական համայնքի կազմի մեջ չէին մտնում»²⁴, այսինքն՝ չէին օգտվում համայնական հողից ու ջրից, չունեին համայնիկ տնտեսատիրոջ իրավունքներ ու պարտականություններ։

Նախ, որտե՞ղ պետք է տեսնել ունչապարուժյան սկիզբը՝ մինչև այդ վիճակի ժառանգական դառնալը: Ըստ Ի. Պետրուշևսկու ամփոփման, պետք է ձևաբանորեն, որ ժառանգական ունչապարների նախորդները կամ «այլերկրացիներ» էին, կամ էլ՝ ունչապարուժյան հրամանագրված ուսյալներ, Բայց չենք կարող պատկերացնել, որ ուսյալ համայնիկը ընչազրկվում էր ու հանվում համայնքից խանի հրամանով կամ բեգին վերապահված իրավունքի կենսագործմամբ: Նման ենթադրությունը կհանգեցնեք գյուղացիության սոցիալ-իրավական վիճակի թյուրբանման: Ֆեոդալական շահագործման հետևանքով տնտեսապես հյուսված գյուղացիներն անցնում էին ունչապարուժյան՝ իսպառ կորցնելով ինքնուրույն տնտեսավարման և պարզ վերարտադրության հնարավորությունները: Այդ երևույթը չէր սկզբնավորվում հրամանագրով, իսկ «այլերկրացիները» խտացնում էին գյուղացիության տվյալ խմբի շարքերն այնտեղ, ուր հանգրվանում էին: Խանի հրամանով ոչ թե երեկվա ուսյալն էր մեկնել դառնում ունչապար, այլ առանձնաշնորհվում էր արդեն ունչապարական վիճակում գտնվող գյուղացին՝ խանական ունչապարական գյուղերի բնակիչներից, տարաբնակ ունչապարներից: Ուստի, մի խումբ վավերագրերում խոսքը «իրենց» խաներին պատկանող ունչապարների» առանձնաշնորհման մասին է: Ի դեպ, ունչապարատիրությունը պայմանավորված չէր միայն խանական շնորհումներով, այլ էլ՝ դասային աքտոնություն էր. ունեւորներն իրենք էլ կարող էին ունչապարուժյան քնդունել տեղացի և զրսեկ ընչագուրկներից:

Մեր կարծիքով, անիմաստ պետք է լիներ գյուղից ունչկաբար պահանջելու քեզի իրավունքը, եթե պահանջվող համայնքի կազմի մեջ չէր մտնում, իսկ գեղջավազները չէին կարող ունենալ արտահամայնական ինչ-որ պահեստի աշխատութ՝ ունչկաբար կարգադրելու համար: Ծիշտ է, խանր գյուղական կառավարիչներ նշանակելիս նրանց համար «զատում էր մշտապես աշխատող» ունչկաբարներ²⁵: Եթե այստեղ նկատի ունենանք միայն ընչազուրկներին, պետք

22 И. Петрушевский, *ibid.*, стр. 316.

23 Նույն տեղում, էջ 316—319:

24 Նույն տեղում, էջ 317:

25 Վ. Տրտուսի, Ուրաբազոր Հայաստանի գլուղացիության պատմության, իսկ Ա, Երևան, 1960, էջ 80, համա. «Колониальная политика российского паризма в Азербайджане в 20—60-х годах XIX в.», М.—Л., 1936, ч. I, с. 104.

է ասենք, որ խանը շնորհում էր էլի իրեն պատկանող ռանչպարներին, Բայց որչափ խոսքը մի ընդհանուր կարգի և գյուղը կառավարողի իրավունքի մասին է՝ «ռանչպար» տերմինը արդեն պետք է ընթերցվի այլ իմաստով: Կարգն այն էր, որ կառավարիչ ընդերին և մահալների հոգևոր պետերին ռայալ-համայնիկներից տրամադրվում էին «մշտապես» աշխատող-ռանչպարներ՝ ազատելով նրանց համապատասխան արքունի հարկաբաժնից: Ուստի. վավերագրերում ռանչպար տալը հիշատակվում է գյուղական համայնքի մյուս բոլոր պարտավորությունների շարքում՝ սկսած մալխահաթից (հողարդյունքի 1/10-ը), վերջացրած բեգի հյուրերին տրվող նվերներով²⁶: Վ. Ռշտունին իրավացիորեն ակնարկել է գյուղացիների աշխատավճարումները՝ նշելով, որ նրանք էվրեզից (որոշակի չափի գեղովի աշխատանքից) բացի, բեգին տալիս էին ռանչպարներ²⁷: Բայց վերջիններս «ռանչպար անունով հայտնի... հողագործ գյուղացիների» շերտ էին կազմում, ինչպես թվացել է Վ. Ռշտունուն²⁸, Ի. Պետրուշևսկուն և այլոց: Անտեսվել է մեկ այլ վիճակ, երբ «ռանչպարները շարունակում էին մնալ իրենց համայնքներում և տարբերվում էին համագյուղացիներից այնքանով, որքանով ազատ էին հարկից, այն էլ՝ հազվադեպ. մեծ մասը, ընդհակառակը, հարկատու էր»²⁹: Ըստ էության, գործ ունենք համայնիկ շինականի պետական հարկաբաժնի փոխակերպված մասնավոր յուրացման հետ: Շնորհյալի ցանկությանը աշխատավճարը (եթե դրա խիստ կարիքը նա չուներ) կարող էր ինչ-ինչ համամասնությանը փոխարինվել դրամատուրքով և բնատուրքով: Ուստի, շփոթություն չպետք է առաջացնի որոշ վավերագրերում «բեգական ռանչպարների ստորաբաժանումը երեք կարգի»³⁰, որն արտացոլում է լոկ վճարման տեսքի ու չափերի տարբերությունները: Ումանք արեգերին տալիս էին որոշակի հարկ և կատարում որոշակի չափի տարբեր աշխատանքներ, մյուսները վճարում էին միայն դրամատուրք՝ ազատվելով անձնական ծառայություններից, ումանք էլ մշտապես զբաղված էին հողագործական աշխատանքներով և դրամատուրք չէին վճարում³¹, Հատկապես ծանր էր աշխատավճարը: Ի. Պետրուշևսկու հրատարակած (և անուշադրության մատնված) 1837 թ. մի վավերագրում կարդում ենք. «Ամենադժբախտ վիճակներից մեկը ռանչպարականն էր... հաճախ էր պատահում, որ մի քանի տարի հետո նրանք (ռանչպարության կարգադրվածները—Ս. Ա.) քայքայվում էին կատարելապես և... տերերը շահեկան շահամարելով այդպիսիներին պահելը, առիթ էին փնտրում նրանց փոխարինելու նորերով. եղել է ժամանակ, երբ նման փոխանակումները կատարվել են առանց որևէ դժվարության»³²: Զուր չէ նկատված նաև, որ բեգը ձգտում էր փոխարինել ռանչ-

²⁶ «Колониальная политика российского царизма в Азербайджане», ч. I, с. 110, 458—460.

²⁷ Վ. Ռշտունի, նշվ. աշխ., էջ 79: Այս պարտավորությունը, ի թիվս այլոց, նորովի սահմանվեց Հայկական մարզի պետ Վ. Բեհրուժովի կազմած 1836 թ. «Կանոնադրությանը» (նույն տեղում, էջ 99, 103):

²⁸ Նույն տեղում, էջ 68—69, 80:

²⁹ Քաղվածքը վավերագրից տե՛ս С. Аваляни, Крестьянский вопрос в Закавказье, т. III, Одесса, 1914, с. 151; Ц. Ага ян, Крестьянская реформа в Азербайджане в 1870 году, Баку, 1956, с. 83.

³⁰ «Колониальная политика российского царизма в Азербайджане», ч. I, с. 104—105.

³¹ Նույն տեղում:

³² Նույն տեղում, էջ 328:

պարին, և րբ նա շարունակում էր ծառայել դժկամությամբ կամ՝ մտահոգված սևփական տնտեսության մասին, այլևս չէր ուզում ծառայել³³:

Ռանչպարների փոխարինումը նորերով³⁴, որից հետո նախորդներն անցնում էին համայնիկի սովորական վիճակին³⁵, նույնպես վկայում է, որ նման դեպքերում խոսքն ընչազուրկ-ռանչպարների մասին չէր: Նրանց «մշտական աշխատանքը», մեր կարծիքով, պետք է հասկանալ ոչ թե գյուղացու ծառանգական կամ ցմահ կախման, այլ պայմանականորեն անժամկետ, ոչ-միանվագ պարտավորության իմաստով: Հիմք չունենք շրջանցելու մի կարևոր փաստ: «Բևզն օգտվում էր ռանչպարի աշխատանքից, քանի դեռ գյուղի կառավարիչ էր... Ժառանգական իրավունքով գյուղ կառավարող տոհմիկ բեզերը կարող էին ռանչպարներին փոխանցել իրենց որդիներին, բայց օտարելու իրավունք չունեին»³⁶: Սա համադրելով վերոհիշյալ տվյալներին, կարծում ենք, որ իրավականորեն փոխանցվում էր ոչ թե ռանչպարն անձամբ, այլ գյուղի ռանչպարական պարտավորությունը՝ անկախ տվյալ պահին դրա փաստական կրողներից:

Այսպիսով, ռանչպար էին կոչվում ոչ միայն ունեւորների մոտ աշխատող տնտեսազուրկները (գյուղացիության առանձին կարգ), այլև «բարձր դասի» մարդկանց համար «մշտական» աշխատանքային պարտույթի կարգադրված համայնիկ տնտեսատերերը: Վերջին դեպքում գործադրվելով իր «տառացի» (աշխատող, բանվոր) նշանակությամբ՝ տերմինն արտահայտել է նաև որոշակի սոցիալական հարաբերություն:

Այժմ դառնանք «ռանչպար»-«երկրագործ» և «ռանչպար»-«մշակ» զուգադրություններին: Էջմիածնի վանքին հարկատու գյուղերի 1837 թ. «բնակագրման» ցուցակների «զբաղմունք» սյունակում բնակիչներից ոմանք հանվան ներկայացված են ռանչպարներ, այդ թվում՝ Վաղարշապատից 20 համփա, 17 կիսահամփա, 43 չարեհամփա և 8 «հասարակ բնակչաց» ընտանիքներ³⁷: Սրանց կողքին և այլ նյութերում ևս հիշատակվում են անգործ-աղքատներ, խեղճ-«բուդալաներ», վանքին ծառայագրված մշակներ³⁸: Մյուս ընտանիքները (վարելատեղ ունեցող և չունեցող) ներկայացված են արհեստներ, տնային արհեստագործության և զբաղմունքի այլևայլ տեսակներով: Պարզ է՝ դեռ մինչև XIX դ. 30-ական թվականները «ռանչպարը» գործառական է եղել նաև «տեխնիկական» իմաստով և ցույց տվել, որ Վաղարշապատի վերոհիշյալ 88 ծխերը հողագործությունից բացի այլ (բնորոշ) զբաղմունք չունեին: Ուստի չենք կարող ընդունել, որ «ռանչպար» տերմինը միայն XIX դ. վերջին—XX դ. սկզբին է համապատասխանել «երկրագործին»³⁹: Ճիշտ է, XVIII դ. և XIX դ. 30—40-ական թվականներին ոչ բոլոր հողագործներն են կոչվել ռանչպար⁴⁰, բայց փաստ է, որ միայն ընչազուրկները չեն այդպես կոչվել:

33 С. Авалпани, նշվ. աշխ., էջ 152:

34 Այդ մասին նաև տե՛ս II. Агаян, նշվ. աշխ., էջ 101—102:

35 С. Авалпани, նշվ. աշխ., էջ 153:

36 «Колонпальная политика российского царизма в Азербайджане», ч. I, с. 104:

С. Авалпани, նշվ. աշխ., էջ 151—152:

37 Հայկական ՍՍՀ պետական կենտրոնական պատմական արխիվ (այսուհետև՝ ՀՍՍՀ ԳԱԳԱ), ֆ. 56, էջմիածնի հոգևոր սինոդի տնտեսական մաս, թղթ. 1, վավ. 15:

38 Նույն տեղում, նաև ցույց. 11, թղթ. 2, վավ. 41, թ. 5—6, վավ. 51, թ. 8—9 և այլն:

39 Ս. Մարկոսյան, նշվ. աշխ., էջ 233:

40 Նույն տեղում:

Ավելին, կարելի էր կարծել, թե տվյալ դեպքում «ռանչպար» պետք է ավելի լայն գործառույթ ունենար, քանի որ մյուս վաղարշապատցիներից շատերն էլ, առաջին հերթին, երկրագործ էին, նոր միայն՝ գյուղատնտեսական հումք վերամշակողներ, պատշարներ, նալբանդներ, հյուսներ և այլն: Մինչդեռ, տերմինը գործադրվել է ավանդական—ամասնագիտական՝ զբաղմունք հայտանշելու առումով (թերևս նույնպիսի էլ հին է ամարդը լավ ռանչպար է՝ արտահայտություն): Համենայնդեպս, գյուղացիության առօրյան շատ ավելի բազմակողմ էր՝ ժամանակին մարդկանց գործելակերպը հարմարորեն տարբերող դիպուկ կամ պայմանական բնորոշումներով, քան կկարողանայինք այդ բոլորը սպառել տերմինների սահմանադիր մեկնաբանությամբ:

1766 թ. Սիմեոն կաթողիկոսը էջմիածնի համար գնած այգու փոխարեն տվել է 150 մշակ⁴¹, Հստ Ս. Մարկոսյանի, այստեղ «մշակը», բանվորական օրվա իմաստով, «ռանչպար» բառի տառացի թարգմանությունն է և «Սիմեոն Երևանցու բերանում... արտահայտում է «ռանչպար» հասկացողությունը», քանի որ «մշակություն անել» նշանակում է ուրիշի համար աշխատել⁴², Այս մեկնաբանությունը չի արդարացվում Ս. Մարկոսյանի ելակետային դրույթով, ըստ որի հենց XVIII դ. «ռանչպար» էին կոչվում սեփական տնտեսություններից, գույքից, նույնիսկ սեփական կացարանից զուրկ գյուղացիները⁴³:

Զենք կարծում, թե թարգմանության ակնարկումով Ս. Մարկոսյանն անտեսել է «մշակի» անկախ օգտագործումը⁴⁴: Նրա խոսքը հասկացությունների նույնության մասին է: Բայց տվյալ դեպքում չենք կարող պնդել, թե Սիմեոն Երևանցին 150 մշակ է տվել անպայման արտադրամիջոցներից զուրկ մարդկանց կամ, ասենք՝ էջմիածնի վանքի ամալա—մշակների⁴⁵ աշխատանքային օրերի հաշվին: Ուրիշի համար աշխատելը՝ մշակությունը, պայմանավորված չէր միայն կատարյալ ընչազրկությամբ: Տնտեսատեր գյուղացիների օժանդակ դատումները նույնպես մշակություն էին, հաճախ մշակությամբ էին մարվում տուրքապարտույթները, պարտքերը և այլն: Եթե գյուղացիության մի կարգ կոչվում էր «ռանչպարական» (և ոչ «մշակական»), ապա դա հետևանք էր որոշակի նկատառումներով գյուղերի պաշտոնական ստորաբաժանման: Մինչդեռ բնորոշ է, որ ուրիշի համար աշխատելը, անկախ աշխատողի սոցիալ-տնտեսական կացությունից, հայկական սկզբաղբյուրներն առավելապես ներկայացնում են «մշակ» և «մշակություն» տերմիններով: Շատ հավանական է, որ կաթողիկոսը այգետիրոջ համար սովորական մարդ-օր էր վարձել: Ս. Մարկոսյանը վկայակոչել է այս տվյալը՝ ապացուցելու համար, որ կալվածատիրական տնտեսությունները հենված էին բացառապես ռանչպարական, նրա մեկնաբանությամբ՝ ընչազուրկների աշխատանքի վրա⁴⁶: Մեր համոզմամբ,

41 «Ջամբո», համաժողովեցեալ և շարադրեցեալ ի Սիմէօնէ կաթողիկոսէ Երևանցւոյ, Վաղարշապատ, 1873, էջ 167:

42 Ս. Մարկոսյան, նշվ. աշխ., էջ 245:

43 Նույն տեղում, էջ 233:

44 «Մշակություն» ինստիտուտը Հայաստանում հայտնի է ավելի վաղ ժամանակներից («Հայ ժողովրդի պատմություն», հ. I, Երևան, 1971, էջ 649—651, 798, հ. III, Երևան, 1976, էջ 250, 253, հ. IV, էջ 69):

45 Սրանց մասին տե՛ս Վ. Դիլոյան, էջմիածնի վանական տնտեսությունը 19-րդ դարի սկզբին («Էջեր հայ ժողովրդի պատմության և բանահյուսության», Երևան, 1971, էջ 165—166):

46 Ս. Մարկոսյան, նշվ. աշխ., էջ 243—246:

«Ունշար» — «մշակ» գուգադրությունը հաստատում է ավելին՝ տարաբնույթ աշխատանքների օգտագործման փաստը նման տնտեսություններում:

Ավելորդ չէ հիշել, որ «մշակությունը» միայն ուրիշի համար կատարվող վճարովի աշխատանք չէր: «Մշակ» (մարդ օր), «մշակություն» բառերը գործառական էին նաև մարդկանց որոշակի սոցիալական փոխհարաբերության՝ կախյալ գյուղացիության աշխատավճար պարտավորությունների իմաստով: Ըստ էջմիածնի սինոդի 1837 թ. մարտի 17-ի «օրագրության», վաղարշապատացիները պարտավոր էին թաղել, բրել և էտել իրենց գյուղի վանքապատկան այգիները, իսկ Մաստարա գյուղի բնակիչները պետք է նրանց օգնեին 400 մշակներով կամ դրա փոխարեն վանքին տային 20 թուման⁴⁷: Տարրեր աշխատանքների համար մշակներ էին տալիս նաև էջմիածնապատկան Օշական և Եղվարդ գյուղերը: Վերը նշեցինք, որ նույն բնույթի սոցիալական հարաբերություն էր հասկանալով «Ունշար» տերմինի մի գործադրմամբ:

Ունշարությունը քննվել է նաև կալվածատիրական տնտեսություններում օգտագործվող աշխատուժի բնորոշման տեսանկյունից: Պետք է համաձայնել Հ. Փափազյանի հետ, որ տակավին XVI—XVII դդ. ունշարությունը կալվածատերերի սեփական հողերի («մազրախ») մշակման միակ միջոցը չէր⁴⁸: Ս. Մարկոսյանն անհրաժեշտ է համարել «պարզել» արդյոք տրեւէ կովան կա՞նք ազգայնացնելու այդ կարգի (ունշարական—Ս. Ա.) գյուղացիության գոյության մասին XVII—XVIII դարերում, այլ կերպ ասած, արդյոք այդ ժամանակ ևս գոյություն ունեի՞ն ունշարական աշխատանքի վրա հենված տնտեսություններ⁴⁹: Նրա կարծիքով, «հեղինակներից ոչ մեկը դժբախտաբար չի կատարել» այդ հարցի պարզաբանման փորձ⁵⁰: Այստեղ Ս. Մարկոսյանը բերել է տվյալներ Սիմեոն Երևանցու «Ջամբուխ», որոնցով «կարելի է կռահել, որ ինչպես սարդարի ժամանակ, XVIII դարում ևս խաներն ունեին սեփական տնտեսություններ... մինչդեռ նման տնտեսությունների վարելու համար մենք այլ աշխատանք չենք տեսնում, բացի ունշարականը»⁵¹: Սակայն XVI—XVIII դդ. ու նախորդ ժամանակներում ընչազրկված շինականների առկայությունն ապացուցելու համար հարկ չկար անպայման տվյալներ փնտրել հատկապես կալվածատիրական տնտեսությունների գոյության մասին, որոնք, ի դեպ, հենված չէին լուրջ ունշարական աշխատանքի վրա: Հիշենք գյուղացիների օժանդակ դատումներն օրավարձով, սեզոնով, «հացփորի» մշակությունը⁵² և այլն: Գուցե Ս. Մարկոսյանն այդ բոլորը խմբավորել է «Ունշար-մշակ» անվան տակ՝ բառի լայնիմաստ գործադրմամբ: Բայց կալվածատերերի տնտեսավարման համար դրսի աշխատանքն իրացնելու կերպափոխված ձևեր էին նաև արտադրամիջոցների կապալատվությունը, կիսարժ օգտագործումը: Վերջինս, օրինակ, երբեմն ուղեկցվում էր հողի յուրահատուկ անժամկետ իրավատիրմամբ: 1771 թ. Խոր վիրապի վանքը նորքի իր Չարեքանոց այգետեղը տալիս է նորքեցի Մարկոսին, որպեսզի սա «նորապէս այ-

47 ՀՍՍՀ ՊԿՊԱ, ֆ. 56, Սինոդի օրագրություններ, թղթ. 1, վավ. 101, թղթ. 8, վավ. 384, թղթ. 9, վավ. 134:

48 А. Папазян, նշվ. աշխ., էջ 207:

49 Ս. Մարկոսյան, նշվ. աշխ., էջ 242:

50 Նույն տեղում, էջ 243:

51 Նույն տեղում:

52 Բ. Հարությունյան, Վարձու աշխատանքը՝ Երևանի խանությունում XVII—XVIII դդ. («Պատմա-բանասիրական հանգես», 1959, № 1, էջ 82—98):

գի և ծառ տնկեսցէ ի նմա, յորժամ պտուղն հասանիցի և այգի շինեսցէ, այգ-
տոյ կէսն... վանիցն լինիցի և կէսն... Մարկոսինն եղիցի, որքան այգին շէն
մնացէ և պտուղ բերցէ. և ի միասին ըսա օրինի հարակաշի ղխարձն հոգաս-
ցուք և զպտուղն կիսեսցուք: Իսկ եթէ չկարիցէ թամամ և կատարեալ այգի շի-
նել, վերստին բոլոր այգետեղն... վանիցն է և եղիցի»⁵³: Ուրեմն, սևփակա-
նության իրավունքը մնում էր վանքին, իսկ հողակալն անժամկետ հողօգտա-
դործման իրավունք էր ստանում: Դրա հիմքը, մի կողմից, ամենամյա կիս-
րար հարկատվությունն էր (խոսքը արքունի ընահարկի մասին է), մյուս կող-
մից՝ հողն արդյունարեւր գարձնելու համար վարձակալի նախնական և հետա-
դա աշխատանքը: Հողագնալուծւան այս ձևը սկզբունքորեն չէր աարկըվում
Քուլթալիսի նահանգի «մոնաշներց»⁵⁴ և ընդհանուր ոչինչ չունեւր ռանչպարու-
թյան հետ:

Նշենք նաև, որ հարուսաների մոտ «ապաստանած» ընչազուրկներից
ոմանք չէին կարող մասնակցել ռանչպարական դաշաւին ծանր աշխատանք-
ներին: Այսպես, օրինակ, 1769 թ. քանաքեոցի Զավահիրը, պարաքը մարեւու
համար, վեց թուման օգնությունն է ստանում էջմիածնի վանքից և իւր սմրող
ունեցվածքով (այգի, բախշա, հնձանառուն, շինություններ) ցմահ «նվիրվում»
նրան՝ իրրե վախմ⁵⁵: Անկասկած, ցմահ «նվիրված» այգպիսի ընչազուրկներից
շատերը դառնում էին հողատերերի սպասավոր—աանուծառաներ:

Արտադրողների առօրյան և հողագնալուծւան հարարերությունները կյան-
քում շատ ավելի բաղմակողմ ու բաղմերանդ էին, քան կարելի է պակերաց-
նել դրանց որոշակի—ընդհանուր եողմերը ներկայացնող ակնհայտ փաստե-
քով: Առավել խոսատումնալից ելիներ ընդհանուրին ուղեկցող երեւոյթներ՝
անժամկետ հողագնալուծւան, վարձու աշխատանքների, արտադրամիջոցների
օդաագործման այլևայլ ձևերի, համապատասխան տերմինների համագիր քըն-
նությունը: Ուշ միջնադարի և XIX դ. սկզբի արեւելահայ գյուղացիության սո-
ցիալական, մասամբ՝ տնտեսական վիճակը հետադոտվել է բահրաքյար-յա-
րիքյար-ռանչպար ընդհանուր եողմով, իրավականը՝ ռայաթ և ռանչպար
խմրերով: Սակայն, մեր կարծիքով, դա տակաւին չի կանխում հողօգագործ-
ման և հողագնալուծւան հարարերությունների միջակա ձևերի, դրանց ինչ-ինչ
նմանությունների և առանձնահատկությունների ամփոփ լուսարանման անհրա-
ժեշտությունը:

ПО ПОВОДУ ТОЛКОВАНИЯ ТЕРМИНА «РАНЧПАР»

САМВЕЛ АЛЕКСАНИЯ

Резюме

В исторической литературе, посвященной аграрным отношениям
Армении позднего средневековья и начала нового периода, под персид-
ским термином «ранчпар» обычно подразумеваются крестьяне, лишен-

⁵³ «Կալվածագրեր», կազմեց՝ Հ. Կ. Աբրահամյան, Երևան, 1941, էջ 92,
փաստ. № 73.

⁵⁴ «Սանաշին—մոնաշներ» մասին տե՛ս С. Егизаров, Исследование по исто-
рии учреждений в Закавказье, ч. I, Сельская община. Казань, 1889, с. 203—204.

⁵⁵ «Կալվածագրեր», էջ 24—25, փաստ. № 14.

ные средств производства, не входившие в состав сельских общин и работавшие исключительно в господских хозяйствах. Значит, этот термин прилагается к крестьянам особой («ранчпарской») категории, что и соответствует исторической действительности.

Не раз упоминалось и «буквальное», более широкое значение термина «ранчпар», объяснимое армянскими словами «еркрагорц» (земледелец), «ашхатавор», «мшак» (трудящийся, рабочий), русскими словами «работник», «несущий бремя», «трудящийся». Однако это лишь толкование слова, вопрос о действительном применении термина в разных его значениях даже не ставился. Более того, есть мнение, будто «ранчпар» стал соответствовать армянскому слову «еркрагорц» только в конце XIX в.

Первоисточники свидетельствуют о применении термина «ранчпар» в разных его значениях еще до второй половины XIX в. Однозначное же толкование его порою приводило к отождествлению совершенно разных явлений и социальных состояний.